

Mensahe 6

Mangatiman sumala sa Dios

Basahong Kasulatan: Juan 21:15-17; Buh 20:28; 1 Ped. 5:2, 4; Efe. 4:16

- I. Sa pahiuili sa Ginoo karon, dinaliang gikinahanglan ang pagpangatiman.**
- II. Ang pag-atiman malangkobon-sa-tanan ug malumo nga pagtagad nato sa panon—Juan 21:15-17; Buh. 20:28:**
 - A. Ang pagpangatiman nagpasabot sa pagtagad sa tanang panginahanglan sa mga karnero.
 - B. Sangkapan gyod pag-ayo ug atimanon pag-ayo ang tanang karnero.
- III. Si Cristo ang maayong Magbalantay, ang dakong Magbalantay, ang Pangulong Magbalantay, ug ang Magbalantay sa atong mga kalag—Juan 10:9-17; Heb. 13:20-21; 1 Ped. 5:4; 2:25:**
 - A. Isip maayong Magbalantay, nianhi si Ginoong Jesus aron makabaton tag kinabuhi ug makabaton niini sa madagayaon gyod—Juan 10:10-11:
 1. Gitugyan Niya ang Iyang kinabuhi-sa-kalag, ang Iyang tawhanong kinabuhi, aron maghuman sa katubsanan alang sa Iyang mga karnero aron makaambit sila sa Iyang zoe, sa Iyang diosnong kinabuhi—vv. 11, 15, 17.
 2. Gipagula Niya ang Iyang mga karnero sa toril nganha sa Iyang Kaugalingon nga sibsibanan, nga tugwayanan, diin gawasnon silang makakaon Niya ug matil-ogan Niya—v. 9.
 3. Giporma sa Ginoo nga usa ka panon ang mga magtutuong Judio ug Gentil (ang iglesia, nga Lawas ni Cristo) diha sa pagpangatiman Niya—v. 16.
 - B. Gipabangon sa Dios gikan sa mga minatay ang “atong Ginoong Jesus, ang dakong Magbalantay sa mga karnero, diha sa dugo sa walay kataposang pakigsaad sa Dios”—Heb. 13:20:
 1. Ang walay kataposang pakigsaad paghingpit man sa Bag-ong Jerusalem pinaagi sa pagpangatiman.
 2. Ang walay kataposang pakigsaad mao ang pakigsaad sa bag-ong tugon nga makabaton og panon, nga mao ang iglesia nga mosangpot sa Lawas ni Cristo ug mahingpit sa Bag-ong Jerusalem.
 - C. Isip Pangulong Magbalantay, giatiman ni Cristo ang Iyang panon pinaagi sa mga anciano sa mga iglesia—1 Ped. 5:4:
 1. Kon dili mangatiman ang mga anciano, dili matukod ang iglesia.
 2. Ang pagpangatiman sa mga anciano mao gyod ang pagpangatiman ni Cristo pinaagi nila.
 - D. Isip Magbalantay sa atong mga kalag, naglantaw ang pneumaticong Cristo sa kahimtang nato sa sulod, nag-atiman sa sitwasyon sa pagkatawo nato sa sulod—2:25:
 1. Nangatiman Siya nato sa pag-atiman sa kaayohan sa atong kalag ug sa paglantaw sa kahimtang sa pagkatawo nato sa sulod.
 2. Kay makuti man kaayo ang atong kalag, gikinahanglan nato si Cristo nga Espiritung taghatag-og-kinabuhi nga naa sa atong espiritu, nga mangatiman nato sa atong kalag, mangatiman sa atong salabotan, pagbati, ug pagbuot ug sa atong mga problema, mga panginahanglan, ug mga samad.
- IV. Aron makapangatiman ta sumala sa Dios, kinahanglan mausa ta sa Dios,**

maumolan og Dios, magkinabuhi sa Dios, magpadayag sa Dios, morepresentar sa Dios, ug mangalagad og Dios:

- A. Sa pagpangatiman sumala sa Dios kinahanglan mausa ta sa Dios ug maumolan Niya—Juan 14:20; 1 Cor. 6:17; Efe. 3:17a; Col. 3:10-11.
- B. Kadto rang nagkinabuhi sa Dios ang makapangatiman sumala sa Dios—Fil. 1:21a.
- C. Ang walay kataposang tuyo sa Dios pag-umol man sa Iyang Kaugalingon kanato ingon nga atong kinabuhi aron makapadayag ta Niya—Gen. 1:26; Efe. 1:11; 3:11; 2 Tim. 1:9.
- D. Isip mga nangatiman sumala sa Dios, morepresentar gyod ta sa Dios ug molihok ingog nagsilbing Dios—2 Cor. 1:3-4, 12, 15-16; 2:10; 10:11; 11:2.
- E. Ang pagpangatiman sumala sa Dios pagpangalagad mag Dios ngadto sa uban:
 - 1. Ang gidak-on sa Dios nga ikapangalagad nato sa uban nag-agad sa pagdugmok sa Dios kanato aron moagay ang kinabuhi—4:10-12, 16; Heb. 4:12.
 - 2. Kon buot natong ipangalagad ang Dios sa usag usa, kinahanglan mamulong ta sa mga pulong sa grasya, kamatuoran, espiritu, ug kinabuhi, ipangalagad ang nahikay nga Dios nga naumol na sa atong pagkatawo—Efe. 3:16-17a; 4:25, 29; Juan 6:63.

V. Gisugo ni Pedro ang mga anciano nga atimanon ang panon sa Dios sumala sa Dios—1 Ped. 5:2:

- A. Nagpasabot ang *sumala sa Dios* nga magkinabuhi gyod ta sa Dios.
- B. Mausa ngani ta sa Dios, mahimo tang Dios ug Dios ta sa pagpangatiman nato sa uban.
- C. Ang pagpangatiman sumala sa Dios pagpangatiman man uyon sa kinaiya, tinguha, paagi, ug himaya sa Dios, dili segun sa atong pagpili, interes, tuyo, ug disposisyon.
- D. Ang pagpangatiman sumala sa Dios pagpangatiman man sumala sa pagkamao sa Dios sa Iyang mga kaayo.
- E. Aron makapangatiman sumala sa Dios, mahimo gyod tang Dios sa kinabuhi, kinaiya, pagpadayag, ug kagamitan:
 - 1. Hingpit gyod tang magpapuno sa diosnong kinabuhi, magpahimulos sa Tulusang Dios nga tuboran, tubod, ug suba aron mahimong kinatibuk-an sa diosnong kinabuhi, mahimo man nganing diosnong kinabuhi mismo—Juan 4:14; Col. 3:4.
 - 2. Mahimo gyod tang Dios sa mga kaayo Niya nga gugma, kahayag, pagkamatarong, ug pagkabalaan.
 - 3. Mahimo gyod tang hulad ni Cristo, ang pagpadayag sa Dios, aron nga sa pagpangatiman nato magpadayag ta sa Dios, dili sa kaugalingon ug sa taras ug talagsaong mga kinaiya niini.
 - 4. Mahimo gyod tang Dios sa pagbuhat Niya sa pagpangatiman sa panon sa Dios uyon sa pagkamao Niya ug segun sa tumong sa Iyang pamatigayon.

VI. Ang pagpangatiman nga makatukod sa Lawas ni Cristo pag-atimanay man sa usag usa—1 Cor. 12:23-26:

- A. Maanaa gyod unta tang tanan sa organicong pag-atiman ni Cristo ug mausa Niya sa pag-atimanay sa usag usa—Juan 21:15-17.
- B. Nagkinahanglag pag-atiman ang tanang magtutuo, bisan unsa pa ang ilang pagtubo sa kinabuhi.

- C. Naay mga apan ug mga kakulangon tang tanan ug nagkinahanglan ta sa uban nga moatiman nato.
- D. Mga karnero ug mga magbalantay tang tanan, nga nag-atimanay sa usag usa.
- E. Pinaagi ning pag-atimanay, matukod ang Lawas sa iyang kaugalingon diha sa gugma—Efe. 4:16.